




Akcija "Opijat III" na području ZHK

ZAPLIJENJENA DROGA VRIJEDNA MILION KM

Policija Zapadnohercegovačkog kantona, na osnovu ranije prikupljenih operativnih podataka provela je operativno akciju kodnog naziva „Opijat III“, s ciljem suzbijanja krivičnih djela u vezi s nedozvoljenom proizvodnjom i prometom opojnih droga.

Postupajući u okviru ove akcije, pripadnici Uprave policije i Sektora kriminalističke policije MUP-a HNK, te Policijske uprave Ljubuški, tokom proteklog vikenda došli do saznanja da se na lokalitetu Gornjih Radišića kod Ljubuškog nalazi zasad indijske konoplje. Pretragom terena, pronađen je zasad sa 17 stabljika spomenute biljke, visine 88-135 centimetara.

Obavljen je uviđaj, a stabljike su posječene i pohranjene u službene prostorije PU Ljubuški. Također, s mjesta



Zasadi konoplje otkriveni u okolini Gruda i Ljubuškog

pronaska zasada izuzeti su i ostali tragovi, koji će biti predmet vještačenja. Inače, u dosadašnjem toku akcije, pripadnici MUP-a ZHK u više su navrata pronašli i zaplijenili

opojnu drogu.

Tako su 18. maja, u saradnji s pripadnicima **SIPA**-e pretražili objekte na tri lokacije na području općine Ljubuški, te oduzeli oko pola kilograma

heroina, kao i manje pakovanja kokaina. U mjestu Donji Radišići početkom jula pronađen je zasad sa 10 stabljika indijske konoplje, težine 300-400 grama, zbog čega su protiv dvije osobe kantonašnom tužilaštvu podnesene krivične prijave. Sedmicu kasnije u Gornjim Radišićima pronađena su dva zasada sa 202 stabljike iste biljke, zbog čega su tužilaštvu prijavljene dvije osobe.

U mjestu Drinovci, u općini Grude pronađen je zasad sa 272 stabljike indijske konoplje, zbog čega je tužilaštvu prijavljena jedna osoba.

Kako navode u MUP-u Zapadnohercegovačkog kantona, prema slobodnoj procjeni, ukupna vrijednost dosad zaplijenjene droge u akciji „Opijat III“ iznosi oko milion konvertibilnih maraka. **M. M.**